



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Dioecesana Synodvs Osnabrvgensis Vndecima, Sub Reverendissimo & Illustrissimo Principe ac Domino, D. Francisco Gvilielmo, Episcopo Osnabrvensi, Ratisbonensi, Mindensi, Ac Verdensi, ... Celebrata ...

**urn:nbn:de:hbz:466:1-14298**

DIOECESANA SYNODVS  
OSNABRUGENSIS  
V N D E C I M A,

Sub Reverendissimo & Illustrissimo Principe  
ac Domino ,

D. F R A N C I S C O  
G V I L I E L M O,  
EPISCOPO OSNABRUGENSI,  
RATISBONENSI, MINDENSI,  
AC VERDENSI,

S. Romani Imperii Principe , Comite de Wartenberg &  
Schawmburg, Domino in Wald & Hachenburg, &c.

CELEBRATA OSNABRUGI

Anno Millesimo sexcentesimo , quinquagesimo quarto , Feria  
tertiâ post Dominicam Oculi, quæ erat x Martii.

P R A E S I D E N T I B V S ,  
nomine altememoratae Illustrissimæ suæ Celsitudinis  
Admodum Reverendis , Prænobilibus & Doctissimo  
Dominis

JOANNE WERNERO A LEERADT ,  
E T  
WILHELMO A WINCKELHAVSEN ,  
Cathedralis Ecclesiæ Osnabrugensis respective Præpo-  
sito & Decano.

N E C N O N  
JOANNE BISCHOPINCK , I . V . L.  
Curiæ Ecclesiasticæ Osnabrugensis Officiali , & insignis  
Collegiatæ Ecclesiæ ad S. Ioannem ibidem  
Canonico.

O R-

Digitized by srujanika@gmail.com

ORDO ET CÆRIMONIÆ  
SYNODI,

Celebratæ in absentia

Illustrissimæ &amp; Reverendissimæ Suæ Celsitudinis,

x Martii, M D C L I V, dum in Comitiis Imperii adhuc  
Ratisbonæ moraretur.

**P**ridie & in ipsa die Synodi cœrimonia omnia peracta more prescripto, & in anterioribus Illustrissimæ Suæ Celsitudinis habitis Synodis observari solito, cantante sacrum Domino Abbatे Iburgensi, in quo plerique de Clero communicarunt.

Post processionem ad locum consuetum omnibus confidentibus, peractisque cœrimoniis ex Pontificali, prelecta fuit Commisso Suæ Celsitudinis, sequentis tenoris.

FRANCISCVS GVILIELMVS, Dei & Apostolicæ Sedis gratiâ Episcopus Osnabrugensis, &c. Venerabilibus, Nobilibus atque Honorabilis & Doctissimo, devotis, sincere Nobis in Christo dilectis & fideli Joanni Werner à Leeradt, Wilhelmo à Winkelhausen, & Joanni Bischopinck, Cathedralis Nostræ Ecclesiæ Osnabrugensis respectivè Præposito, Decano, & Officiali Curiæ Nostræ Episcopalis ibidem, Salutem in Domino.

Venerabiles, Nobiles, Honorabiles & Doctissime, devoti, sincere Nobis in Christo dilecti & fideli: Cum instanti Synodo Vernali, quæ in Civitate Nostra Osnabrugensi, Feria tertia post Dominicam Oculi (quæ incidit in diem decimam Martii) ex laudabili Majorum & Prædecessorum Nostrorum Decretis celebrabitur; publicis adhucdum Imperii, & præsentium Comitiorum negotiis præpediti, pro hac vice denuò necdum personaliter interesse, ac eidem præsidere possumus: Nè tamen in hoc tam falubri conservandæ Ecclesiasticæ disciplinæ, ac extirpandorum vitiorum remedio, per hanc nostram necessariam absentiam quicquam negligatur aut omittatur: Nos Vobis, de quorum prudentia & zelo singularem, & ante hac in similibus & aliis probatam gerimus fiduciam, præsentium tenore conjunctim & divisim in Domino committimus, ut dictæ Synodo præsideatis, & quicquid in eadem agere possemus, nomine Nostro peragatis, & postmodum Synodi acta, præsentium ac absentium nomina ad Nos in scripto debite referatis. Hæc est feria no-

stra voluntas, manu & sigillo nostris robata: Valete in Domino. Datum ex Residentia Nostra Episcopali Ratisbonæ, die xxi Februarii, anno M D C L I V, Episcopatum nostrorum Osnabrugensis vigesimo nono, Ratisbonensis quinto, Mindensis & Verdenfis vigesimo quinto.

**P**re electis hisce in loco Synodali Illustrissimi literis, presidebant nomine Suæ Celsitudinis Dominus Prepositus Joannes Wernerus à Leeradt, & Joannes Bischopinck, Officialis, excusante se D. Decano ob adversam valetudinem; Notata deinde nomina absentium, & habita concio Synodalis elegans & accommodata Clero, per Patrem Nicolaum Schaten S. I. Curatum in Bas bergen, & Decanum ibidem; quæ finitæ, cum pro hoc anno nulla decreta transmissa fuerint, repetitæ D. Officialis salutares Patris Schaten admonitiones loco Decretorum, & quia non in multitudine, sed observantia legum, disciplinæ Ecclesiasticæ vigor consistit, ante hac publicata decreta tam Synodalia quam visitationum repetitæ & inculcatæ: Preterea ex Synodo Majori rationem suffragiorum, & sacrificii tempore matutino sepulturae haberi monuit, utque in omnibus uniformitas observetur; mandavit etiam ex speciali commissione Illustrissimi nomina communicantium in Paschate, & conversorum ad festum Corporis Christi pro ultimo termino accurate transmitti, & rationem vicinarum Parochiarum hereticarum, non secus ac suarum haberi; nec non Confessarios extraordinarios Sanctimonialibus ter in anno, ab iis, quorum interest, offerendos: in quo etiam Ecclesiasticus consistorium suam operam pollicetur.

Cum Pastores Sti. Viti in Glan, & Bissendorff juramentum Pastorale nondum emisissent, tenebantur id quidem præstare, sed quia partim absentes, partim formalem collationem nondum habent, suspensum est hoc negotium, ut etiam professio fidei Sacellani in Wellenholthausen, Joannis Postii, ob absentiam.

Commendata quoque inter cetera, quæ decreto quinto generali prescribuntur, inter defunctorum anima quondam Pastoris in Löningen, qui cilicio indutus repertus, diem suum pie, ut vixit, obiit, ijij E e 2 egre-

egregio scilicet exempl'o, ut nullus quantumvis sibi bene consciens, ex hac vita sine pœnitentia transeat.

Mandatum denique singulis Pastoribus & Decanis, ne quis civitate egrediatur nisi salutato consistorio Ecclesiastico; indictaque futura fuit Synodus, & continuo certo tractu subsequentes, propter

errores Calendariorum, feria tertia post festum S. Remigii, Autumnalis, & feria tertia post Dominicam Oculi, Vernalis, nisi singulariter aliud ordinetur.

Postremo cum solita gratiarum actione, eacimoniis & benedictione consuetis Synodus dimissas.

## S E Q V V N T V R LITERÆ PASTORALES Reverendissimi & Illustrissimi D. Episcopi ad CLERVM OSNABRUGENSEM,

Quæ licet, detentæ forsitan alicubi in via, post celebratam Synodum prius advenerint; inseri tamen easdem hic visum fuit, cum ex Mandato suæ Celsitudinis, singulis Decanis, & ab hisce singulis per suum districtum Parochis ex post facto transmissæ fuerint, & sunt tenoris sequentis.

**F**RANCISCVS GVLIELMVS, Dei & Apostolicæ sedis gratia Episcopus Osnabrugensis, &c. Alligatus in Domino, omnibus vobis de Clero Nostro in Christo Iesu ad Synodum vocatis timorem Domini castum & filiale.

Fratres charissimi. Sollicitudo Nostra constans in dilectam Ecclesiam Osnabrugensem urget, charitas in vos paterna invitat, munus Episcopale exigit, & ipse, quem sacram jam celebratis hoc quadragesimali tempore, conventus requirit, o Sacerdotes Dei, Cooperatores nostri, filiique charissimi, ut memoriam Vestri, quam sine intermissione habeo in orationibus meis die ac nocte, etiam in hac mea absentia, præter opinionem ac voluntatem longiori, per hanc Pastorales literas ad vos ostendam, & memoriam mei apud quosdam ex vobis refuscitem; justum enim arbitror, quam diu sum in hoc tabernaculo, continuo vos fuscitare in commonitione, ut tandem horum memoriam faciatis.

Scitis Fratres charissimi, quæ præsens, quæ absens Vos ipse ac per meos, viginti novem nunc annis docuerim, Vos commonefecerim officii Vestri, tam in Vos ipsos quam in Vobis commissos, ut scilicet ambularetis digni votatione Vestra, qua vocati estis. Scitis itaque quæ præcepta dederim Vobis per Dominum Iesum: Hæc est enim voluntas Dei sanctificatio Vestra, ut abstineatis Vos à fornicatione, ut sciat unusquisque vas suum possidere in sanctificatione & honore, non in passione desiderii, sicut & gentes quæ ignorant Deum;

Memoria retinetis qualiter semper optarim in vobis ignem illum divini zeli accendi: Sed unde! Vnde o sacerdotes Dei ac filii, tam pauci inter Vos ardent? Licet Vos tam diu ad ignem applicare conatus sim; quid debui facere vineæ meæ & non feci? Vnde ergo inter Vos tot labruscæ in hac vinea? Vnde continua ac tanta zizania in hoc agro Domini? Quæ Vos post meum discessum, paternamque valedictionem egeritis, non dico; ipsi scitis, ac Deo, & nobis rationem olim redditis; quid aliqui Vestrum egerint, etiam alii, proh dolor, cum scandalo sciunt, & ad audientiam Nostram pervenit: Eccè tertio hoc venio ad vos: In ore duorum vel trium testium stabit omne verbum. Prædicto, & prædicti præsens, & nunc absens, iis, qui ante peccaverunt, & cæteris omnibus, quoniam si venero iterum non parcam.

Sed inquiramus parum causas, Dilectissimi, cur aliqui vestrum neandum ignem illum divini, proximique zeli conceperint, & neandum ardore incipient: scitis ad ignem materiale excitandum, requiri applicationem illius ad materiam, vel materiæ ad illum, & quidem non perfundoriæ, sed materiæ proportionatam, ad tempus, ut ignem concipere possit; nec non materiæ sufficiatatem seu dispositionem, ut scilicet omni humiditate careat; hoc planè ad illum ignem zeli in corde nostro ascendendum requiritur: In illo defectus non est ullus, paratus est semper agere in nos, ut etiam Christus Dominus testatus est. Ignem veni mittere in terram, & quid volo nisi ut ardeat? Quod ergo in nobis non ardeat, materia

<sup>2</sup> ad Ti.  
<sup>moth.3.</sup>

<sup>2</sup> Pet.1.  
<sup>13.</sup>

Ibid. 15.

<sup>1</sup> Thess.4.

Levit. 15.  
vers. 3.

teria vel humiditas, vel non debita applicatio impedit: Vterque defectus magnus est, & quidem in nobis tantum. Primus quidem, dum terrena tantum sapimus, qua fluxa ac fluida sunt; imo cum per singula quasi momenta ( id est occasiones) adhæret carni nostræ, atque concrescit fœdus humor; excruciantia sunt hæc, Charissimi, & abicienda opera tenebrarum; id est mundi, ut ait Augustinus in Psalmo 54 ad 1 vers. id est, amatorum mundi; id est, impiorum & iniquorum: Mundi, de quo Euangelium dicit: & mundus eum non cognovit: Palea ac stipula quantumvis applicetur igni, tam diu non ardet, quamdiu aliquid de humiditate remanet: Augustis præterito anno M D C L II in Synodo autumnali à nobis, quomodo 2 Machab. 1, sacerdotes, qui tum cultores Dei erant, acceptum ignem absconderunt in valle, ubi erat puteus altus & siccus: in sicco ergo ignis tantum conservatur, in sicco tantum operatur: Remedium ergo banc humiditatem tollendi expedientissimum est, timor Dei: Timenti Dominum bene erit in extremis, & in die mortis suæ benedicetur: Bonum certe nobis est timere Deum; quia timor Domini expellit peccatum: Timor Domini reprimit vitium: Timor Domini semper emendat: Timor Domini cautum facit hominem atque sollicitum; ubi vero timor non est, ibi perditio est animæ; ubi timor non est, ibi dissolutione vita est; ubi timor non est, ibi est abundantia peccatorum, ait Bernardus in libro de modo bene Vivendi c. 4. De hoc timore divino quænam operetur, & bona affectat, nosque ad ignem divinum concipiendum disponat, legit & evolvite libros Psalmorum David, Proverbiorum Salomonis, & Ecclesiasticum, ubi multoties ac multifariam fructus hujus timoris invenietis: Quatuor autem numerantur timores: Humanus, Servilis, Initialis & Castus: Humanus timor est, ut ait Caffiodorus, quando timemus pericula carnis, vel perdere bona mundi (pœnas, objurgationes, indignationes etiam superiorum, paupertatem, aliaque mala terrena) propter quod peccamus: Hic mundanus timor malus est, nec illum spiritualem affert fructum, & est de quo Christus Dominus dicit: Nolite timere eos qui occidunt corpus, &c. Secundus timor, servilis est, ut ait Augustinus, cum timore gehennæ homo recedit a peccato, & omnia bona quæ facit, non propter Dei, sed propter inferni timorem facit: Ille quasi servus timet, qui bonum quod facit, non timore amittendi bonum, quod non amat, sed timore patientiæ malum, quod formidat, facit: De hoc ait Paulus: Non enim accepisti spiritum servitutis iterum in timore: Bonus quidem est servilis timor iste & utilis, licet insufficiens & imperfectus; quia nondum in illo est

perfecta charitas, qui adhuc timet; quia perfecta charitas foras mittit timorem. Ioan. 4.

Tertius timor succedit; Initialis scilicet; quando homo incipit facere bonum propter dilectionem Dei, quod ante faciebat propter timorem inferni, de quo legimus: Initium sapientia timor Domini: Initialis timor, ait Bernardus, est, quando homo incipit amare Deum, quem ante timebat, & sic excluditur à corde timor servilis: Quartus timor est castus, per quem timemus, ne sponsus, scilicet Christus, tardet; ne discedat à nobis; ne eum offendamus; ne in eum peccemus; & ne eum perdamus: Timor iste castus de amore nascitur. De hoc legimus: Timor Domini sanctus, Psal. 110. permanet in sæculum sæculi: Timor iste sanctus est; quia in mente hominis generat sanctitatem: Timor iste sanctus est; quia introducit in mentem hominis perfectam charitatem: Timor iste sanctus est quia non recipit adulterum amorem: quia scilicet Deum super omnia diligit, & nihil amori ejus præponit. Timor iste vocatur etiam filialis; quia non timet Deum, quasi servus dominum crudelē, sed quasi filius Patrem dulcissimum, ait Bernardus. Facile jam intelligitis, imo videtis, quomodo hic timor Domini ex cordibus nostris auferat humiditatem omnem nocivam, nosque ut stipulam siccam disponat ad ignem illum zeli divini concipiendum: Idem etiam timor nos debite applicat ad ignem hunc, cum est permanens in sæculum sæculi, id est, tota nostra vita: Ne scilicet hanc stipulam hodie siccata, cras turbo auferat, aut quilibet ventus rapiat, atque ab igne iterum separet: Hoc experti sumus huc usque, quod quidam ex vobis timorem Domini sanctum & castum non habeant, nunquam siccata stipulam se præbuerint: Non enim est timor Domini ante oculos eorum: Imo nec initialis, nec servile, & quod plus est, nec humanum habent; quia nec Episcopum, nec superiores, nec pœnas aut mala timent, cum omnia mala, ut mala agant, diligent: Correctiones, incarcerationes, aliasque pœnas sustinent non correcti: Honestatem omnem exunt: Sacerdotalem statum prostituunt: Scandala quotidie præbent. O infani! Et quis vos docuit fugere à ventura ira, dum nil timeris? Resipice tandem miseri; Ecce nunc tempus acceptabile, ecce nunc dies salutis; accedite ad Deum & illuminamini: Imo ardeatis illo zelo, quem vobis toties prædicamus: Hæc, hæc, charissimi, vos omnes hoc sacro in conventu meditemini: Examinet se quisque, utrum stipula sit sicca à mundanis rebus & operibus; utrum, & qualèm habeat timorem, an illum perfectum ac filiale; an se ad ignem applicet, quotidieque studeat, caueat, ne à turbine malo rapiatur, & ab igne separetur; an verè ardeat illo igne zeli erga Deum & proximi

Rom. 8.

ijij Ee 3

& proximum: Utileissimum hoc erit examen, salutis animarum vestiarum ac subditorum mire proficuum; adeo ut tandem Deus in singulis accendat ignem sui amoris, & flammarum æternæ charitatis; quod nobis concedat benignissimus Deus, cuius misericordia non est numerus, & bonitatis infinitus est thesaurus: Exaudiens ille orationes vestras, si & vos audieritis vocem Episcopi ac Patris vestri, qui toties annuntiat vobis omne consilium Dei,

& quomodo vos oporteat ambulare & placere ei: Ipse sit benedictus in secula, vosque benedicat: Quod benedictione Nostra Episcopali paternè vobis apprecciamur, vestrisque orationibus nos commendamus. Datum Ratisbonæ in Residentia Nostra Episcopali, die 2 Martii, anno M D C LIV, Episcopatum Nostrorum Osnabrugensis vigesimo nono, Ratisbonensis quinto, Mindenis & Verdenis vigesimo quinto.

FRANCISCVS GVLIELMVS.

L. S.

**E**T quia ego CHRISTIANUS BROCHMAN, Pastor in Wahlenhorst, à supramemoratis Reverendissimi & Illusterrissimi Domini Episcopi Deputatus in Actuarium hujus sacre Synodi deputatus fui, & omnibus in ea pertractatis interfui, idcirco in fidem eorundem propria manu subscripti: Acta sunt hæc anno à partu Virgineo M D C LIV, Pontificatus SS. Domini Nostri Innocentii X Anno x; diebus, mense, & loco quibus supra; præsentibus venerabilibus ac eruditissimis Dominis Antonio Sollinger & Nicolao Schabergh, Cathedralis Ecclesie Osnabrugensis Vicariis, ac respectuè Sacristano & Notario publico, testibus ad hoc specialiter requisitis & fide dignis.

CHRISTIANVS BROCHMAN, Pastor in Wahlenhorst, & Actuarius castrarum Ecclesiasticarum, ad hoc specialiter deputatus, subscriptus.

SYNODI VNDECIMÆ FINIS.



DIOE-